

Skýrsla framkvæmdastjóra SAM árið 2010

Almenn starfsemi SAM var svipuð árið 2010 og verið hafði árið 2009. SAM sinnti á árinu ýmsum sameiginlegum hagsmunamálum afurðastöðva mjólkuriðnaðarins, þar með talið samskiptum við innlenda hagsmunaaðila og við alþjóðleg hagsmunasamtök í mjólkuriðnaði. Aðrir starfsþættir SAM í árið 2010 voru: Rekstur rannsóknastofa sem sinna efna- og gerlamælingum í mjólk; rekstur Framleiðendaþjónustu (mjólkureftirlit); rekstur Lögbundinnar verðtilfærslu og Verðmiðlunar samkvæmt samningi við Bændasamtök Íslands og rekstur Verðtilfærslusjóðs SAM.

MARKAÐSNEFND MJÓLKURIÐNAÐARINS

Starfsemi Markaðsnefndar mjólkuriðnaðarins var tekin til endurskoðunar árið 2010. Nafni nefndarinnar var breytt í Fræðslunefnd mjólkuriðnaðarins samhliða því að verkefni nefndarinnar voru skilgreind og reksturinn færður inn í bókhald SAM. Eftir breytingarnar kys stjórn SAM fulltrúa í Fræðslunefnd mjólkuriðnaðarins eftir aðalfund SAM hvert ár.

BÓKHALDS- OG FJÁRMÁL

Auk umsýslu eigin bókhalds annast SAM einnig bókhald fyrir Verðmiðlunarsjóð mjólkur og lögbundinn Verðtilfærslusjóð mjólkur. Ársreikningur Samtaka afurðastöðva í mjólkuriðnaði er birtur í ársskýrslu SAM, en ársreikningur Verðmiðlunarsjóðs og Lögbundins Verðtilfærslusjóðs er skilað til Fjársýslu Ríkisins. Frá árslokum 2008 hefur starfsmaður SAM einnig annast útreikning launa fyrir Mjólkursamsöluna ehf, auk annarra verkefna vegna starfsmannahalds Mjólkursamsölnnar.

SÉRHFÆÐ AFLEYSINGAÞJÓNUSTA FYRIR BÆNDUR Á GOSSVÆÐI

Í kjölfar eldgossins í Eyjafjallajökli vorið 2010 var komið á afleysingaþjónustu fyrir þá bæi á hamfarasvæðunum sem mest þurftu á því að halda, þannig að bændaþjófskyldan gæti tekið sér frí frá störfum í 2-7 daga í senn. Verkefnið var samstarfsverkefni fjölda aðila, meðal annars: Bændasamtaka Íslands með stuðningi norsku bændasamtakanna, Búnaðarsamtaka Suðurlands, Félags kúabænda á Suðurlandi og SAM. Umsjón með verkefninu var í höndum Búnaðarsamtaka Suðurlands.

SKÝRSLUHALD VEGNA MÓTTEKINNAR MJÓLKUR OG RÁÐSTÖFUNAR HENNA

Samkvæmt samningi við Bændasamtök Íslands annast SAM mánaðarleg skil á Framleiðslu-, sölu- og birgðaskýrslum fyrir aðildarfélög SAM. Þær upplýsingar sem safnast til félagsins með vinnslu skýrslanna mynda grunn að tölfræði sem SAM safnar og vinnur fyrir aðildarfélögin og til opinberrar birtingar. SAM veitir tölfræðiupplýsingar um mjólkuriðnaðinn meðal annars til Hagstofu Íslands og alþjóða mjólkuriðnaðarsamtakanna IDF (International Dairy Federation). Þá eru skýrslurnar grunnur fyrir útreikningi á gjaldi til Verðmiðlunarsjóðs og á mánaðarlegum verðtilfærslum sem reiknaðar eru samkvæmt lögum og heimildarákvæði laga. Ítarlega er fjallað um móttöku mjólkur og ráðstöfun hennar síðar í ársskýrslunni.

ERLEND SAMSKIPTI

Aðalfundur alþjóðlegu mjólkuriðnaðarsamtakanna - IDF - fór fram í byrjun nóvember 2010 í Auckland á Nýja Sjálandi. Bjarni Ragnar Brynjólfsson sótti fundinn sem fulltrúi íslenskrar mjólkurframleiðslu og mjólkuriðnaðar.

Í kjölfar aðalfundar IDF er ávallt haldin ráðstefna þar sem farið er ítarlega yfir þróun framleiðslu, vinnslu og sölu mjólkur og mjólkurafurða í heiminum. Glærur frá fyrirlestrum ráðstefnu IDF eru aðgengilegar fyrir gesti ráðstefnunnar að henni lokinni. Allar glærurnar voru fluttar á tölvunet Mjólkursamsölunnar ehf og þannig gerðar aðgengilegar starfsmönnum fyrirtækisins. Einnig var efni nokkurra fyrirlestra kynnt sérstaklega fyrir starfsmönnum MS. Næsti aðalfundur samtakanna verður haldinn á Ítalíu um miðjan október 2011.

Upplýsingum frá IDF var komið á framfæri til fjölda aðila árið 2010, meðal þeirra má nefna: Yfirdýralækni, Sérgreinadýralækni nautgripa- og sauðfjársjúkdóma, aðila innan Bændasamtaka Íslands, Landssambands Kúabænda og Landbúnaðarháskóla Íslands á Hvanneyri.

SAM hefur verið aðili að norrænu samstarfi um mjólkureftirlit og mjólkurgæði (NMSM) frá árinu 1996. Þátttakendur í samstarfinu eru Noregur, Danmörk, Svíþjóð, Finnland og Ísland. Markmið samtakanna er að vinna að bættum gæðum hrámjólkur með sérstakri áherslu á dýraheilsu, fóðrun og mjólkurgæði, véla- og mjaltatækni. Starfið er unnið í fjórum faglegum nefndum; það er nefnd um heilbrigði dýra, um mjólkurgæði, um mjaltatækni og um fóður (sú síðastnefnda starfar ekki nú um stundir). Fulltrúar Íslands í starfinu eru Jón K. Baldursson í gæðahópnum, Þorsteinn Ólafsson í dýraheilsuhópnum og Snorri Sigurðsson í tæknihópnum. Aðalfundur samtakanna árið 2010 var haldinn í Rebild í Danmörku.